



KEMENTERIAN KEWANGAN



TINJAUAN EKONOMI

2024

E K O N O M I M A D A N I : M E M P E R K A S A R A K Y A T

Tinjauan Ekonomi 2024

Hakcipta Terpelihara

Semua hak terpelihara. Tiada mana-mana bahagian jua daripada penerbitan ini boleh diterbitkan semula, disimpan dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/ atau sebaliknya tanpa mendapat izin daripada:

Setiasaha Bahagian,
Bahagian Fiskal dan Ekonomi,
Kementerian Kewangan Malaysia,
Aras 9, Blok Tengah,
Kompleks Kementerian Kewangan,
No. 5, Persiaran Perdana,
Presint 2,
Pusat Pentadbiran Kerajaan Persekutuan,
62592 Putrajaya

Faks : 03-88823881
e-mel : fed@treasury.gov.my

Tinjauan Ekonomi diterbitkan setiap tahun dan dikeluarkan pada hari pembentangan Belanjawan Tahunan.


Edisi 2024 diterbitkan pada 13 Oktober 2023.

Naskhah jualan boleh diperolehi daripada:
www.pnmb2u.com

Naskhah ini juga boleh dimuat turun di:
www.mof.gov.my



DICETAK OLEH
PERCETAKAN NASIONAL MALAYSIA BERHAD
KUALA LUMPUR, 2023
www.printnasionaI.com.my
email: cservice@printnasionaI.com.my
Tel.: 03-92366895 Faks: 03-92224773



PRAKATA



**MENTERI KEWANGAN
MALAYSIA**

Ekonomi global terus mengharungi persekitaran yang penuh dengan cabaran sejak pandemik COVID-19. Ketegangan geopolitik yang kian meruncing dan pengetatan dasar monetari yang berterusan bagi menangani inflasi, telah meningkatkan lagi risiko kelembapan ekonomi global. Keadaan ini diburukkan lagi dengan ketidaktentuan ekonomi utama seterusnya memberikan kesan kepada negara membangun serta kelemahan dalam kedinamikan perdagangan berikutan gangguan rantai bekalan dan ketegangan perdagangan yang berlanjutan.

Malaysia turut terkesan dengan perkembangan global tersebut selaras dengan sistem ekonomi dan kewangan negara yang terbuka. Kepelbagaian struktur ekonomi Malaysia dan keutuhan asas yang dibina atas jerih perih dan keringat rakyat selama ini telah meningkatkan daya tahan dan menempatkan negara di landasan pertumbuhan yang stabil. Faktor positif ini yang disokong oleh kekukuhan dasar dan pelan tindakan bertunjangan kerangka Ekonomi MADANI. Pelaksanaan langkah dan inisiatif pragmatik berterusan yang ditetapkan oleh Kerajaan akan memastikan ekonomi kita terus teguh dan kekal berdaya tahan.

Meskipun sektor luar kekal penting, namun pertumbuhan ekonomi semakin didorong oleh permintaan domestik. Inflasi negara yang terkawal, keadaan pasaran buruh yang menggalakkan, rizab asing yang kukuh, lebihan akaun semasa dan tabungan negara yang tinggi serta kepesatan sektor kewangan dan pasaran modal yang teguh, terus mengekalkan momentum pertumbuhan ekonomi. Walaupun berdepan kelembapan ekonomi global, namun Malaysia berjaya merekodkan pertumbuhan 4.2% pada separuh pertama 2023 dan dijangka mencatat sekitar 4% bagi keseluruhan 2023.

Kejayaan dalam melakar pertumbuhan ekonomi dan menangani krisis tidak akan dapat dikecapi tanpa pengorbanan dan dedikasi rakyat. Kerajaan kekal komited dalam memastikan semua rakyat dapat menikmati hasil kekayaan dan kemakmuran negara

melalui pertumbuhan yang mampan dan inklusif. Menyedari hakikat ini, kerangka "Ekonomi MADANI: Memperkasa Rakyat" dibangunkan dengan matlamat utama untuk meningkatkan kesejahteraan rakyat. Kerangka ini akan menjadi asas kepada dasar-dasar yang baru diumumkan menerusi Pelan Hala Tuju Peralihan Tenaga Negara, Pelan Induk Perindustrian Baharu 2030 serta Kajian Separuh Penggal Rancangan Malaysia Ke-12. Justeru, Kerajaan optimis dapat mencapai tujuh sasaran yang dihasratkan dalam tempoh sepuluh tahun akan datang. Pelaksanaan inisiatif ini dijangka dapat memacu pertumbuhan ekonomi negara pada kadar yang diunjurkan iaitu antara 4% hingga 5% pada 2024.

Kesejahteraan rakyat akan terus menjadi tumpuan dan keutamaan Kerajaan. Kemakmuran negara seharusnya memberi manfaat kepada segenap lapisan masyarakat. Oleh yang demikian, penting untuk memastikan pengagihan kekayaan ekonomi negara dilaksanakan secara adil dan saksama dengan memberikan keutamaan kepada perkhidmatan penjagaan kesihatan yang terbaik dan pendidikan yang berkualiti untuk seluruh rakyat Malaysia. Dalam konteks guna tenaga dan upah, gaji perlulah setimpal dengan produktiviti pekerja. Selain itu, penyediaan perlindungan sosial dan kemudahan awam yang lebih baik termasuk pengangkutan, bekalan air dan elektrik serta perkhidmatan jalur lebar akan mewujudkan peluang yang lebih saksama bagi meningkatkan kualiti hidup rakyat. Penyampaian perkhidmatan awam yang cekap disokong oleh agenda digitalisasi penting dalam memacu transformasi ekonomi. Kerajaan juga akan memberikan tumpuan kepada usaha meningkatkan kemampanan fiskal negara secara progresif dengan mempelbagaikan sumber hasil serta mengoptimumkan perbelanjaan bagi menangani ketirisan dan pembaziran.



Tahun 2024 dijangka akan menjadi tahun yang penuh harapan bagi Malaysia. Pelaksanaan beberapa dasar yang telah diumumkan baru-baru ini termasuk pelaksanaan projek di bawah Kajian Separuh Penggal Rancangan Malaysia Ke-12, akan memperkukuh usaha Malaysia untuk menjadi ekonomi terpenting di Asia dalam masa terdekat. Meskipun berdepan dengan pelbagai cabaran dan perubahan struktur, namun daya tahan dan keupayaan kita untuk berinovasi mengagumkan. Ini merupakan misi kolektif rakyat Malaysia untuk terus bersatu-padu secara harmoni, mendukung perubahan dan mengutamakan strategi pertumbuhan yang mampan. Justeru, kita perlu bersama-sama melakar kejayaan pada masa hadapan dan meraih manfaat yang saksama untuk semua demi menjamin masa depan yang lebih cerah untuk Malaysia tercinta.



ANWAR IBRAHIM
13 Oktober 2023

EKONOMI NEGARA 2024

pada harga malar 2015
(bahagian kepada jumlah dalam %)



¹ Termasuk perubahan dalam stok
Sumber: Kementerian Kewangan Malaysia

